

ԲՈՂՇԵՎԻԿՆԵՐԸ ԵՎ ԷՆՎԵՐ ՓԱՇԱՆ

Ռ. Գ. ՍԱՀԱԿՅԱՆ

Վերջին տարիներին ստեղծված բարենպաստ պայմանները հայ պատմաբաններին հնարավորություն են տալիս քննական հայացքով անդրադառնալու Հայաստանի ու հայ ժողովրդի պատմության այն սկզբունքային հարցերին, որոնք տասնամյակների ընթացքում լուծության էին մատնվել, շրջանցվել, իսկ հաճախ՝ աղավաղվել կամ գլխավոր ներկայացվել:

Նման սկզբունքային, առավել կարևոր հարցերի շարքում առանձնանում են Հոկտեմբերյան հեղափոխությունից և, հատկապես, Հայաստանի Հանրապետության հռչակումից մինչև նրա անկումն ընկած ժամանակաշրջանի պատմության մի շարք կնճռոտ հարցեր:

Հայ-խորհրդային հարաբերություններում նշված ժամանակաշրջանում կարևոր գործոն է եղել Հայաստանի Հանրապետության վերաբերմունքը խորհրդային Ռուսաստանի հանդեպ, իսկ վերջինիս հոգան է եղել արագացնել Հոկտեմբերյան հեղափոխության հռչակած զաղափարների տարածումն ու հաղթանակը ամենուրեք՝ սկսած Ռուսաստանի սահմանակից ծայրամասային նորաստեղծ պետություններից և վերջացրած և՛ քաղաքական խոշոր երկրներով, իսկ այնուհետև՝ աշխարհով մեկ:

Ինչ դեր կարող էր խաղալ Հայաստանի Հանրապետությունն այդ ֆանտաստիկ առաքելության իրականացման գործում: Պարզ է, որ բացասական, բանի որ: Հայկական նոր պետությունը չէր ընդունում բոլշևիկյան համայնավար գաղափարախոսությունը: Եթե սրան ավելացնենք կրոնական գործոնը, որն այն տարիներին չափազանց դրոշմ էր, և որը խաղի մեջ մտավ (1917 թ. դեկտեմբերի 3-ի) «Ռուսաստանի և Արևելքի բոլոր աշխատավոր մուսուլմաններին» հայտնի դիմումով, ապա առավել պարզ կդառնա, թե ո՞ւմ պիտի նախապատվություն տար խորհրդային Ռուսաստանի բոլշևիկյան կառավարությունը, քեմալական Խուրքիային, որը կոչվում էր նրա գլխավոր թշնամի Անտանտի դեմ, և որը դիտվում էր, որպես հենակետ՝ ռուսական հեղափոխությունը ողջ մահմեդական Արևելքում տարածելու հույժ կարևոր խնդրում, թե՛ դաշնակցական Հայաստանին (ինչպես հորջորջվում էր Հայաստանի Հանրապետությունը), որը դեռ հույսեր էր կապում խորհրդային Ռուսաստանի թշնամի Անտանտի հետ:

Բոլշևիկյան հեղափոխության արտահանման ձգտումը ստիպում էր շտաբներելու այդ նպատակին հասնելու միջոցները, դրան ծառայեցնելու անգամ քաղաքականապես վարկաբեկված բախտախնդիրներին և հանցագործներին: Բերենք մի քանի փաստ նման գործիչներից մեկի՝ Թուրքիայի բախտի նախկին տնօրեն էնվեր փաշայի հետ համագործակցության վերաբերյալ: Այդ համագործակցության փորձերն իրականացվում էին հիմնականում երկու ճանապարհով, անմիջականորեն՝ խորհրդային կառավարության ներկայացուցիչների, և անուղղակի՝ Կրեմլից ղեկավարվող Կոմունիստական Ինտերնացիոնալի միջոցով:

Էնվերի հետ կապ հաստատվել է 1919 թ. աշնանը՝ Բեռլինում, բանտից նոր ազատված Կառլ Ռադեկի միջոցով: Մինչ այդ, նույն թվականի ապրիլին էնվերը երեք անգամ փորձել էր հասնել Մոսկվա՝ ինքնաթիռով կտրելով խորհրդալեհական սահմանը, սակայն այդ փորձերը ձախողվել էին: Դրանից հետո է, որ էնվերը կապի մեջ է մտնում Կոմունիստական Ինտերնացիոնալի ներկայացուցիչ Կառլ Ռադեկի՝ իր «բոլշևիկ բարեկամի հետ», ինչպես նրան ան-

վանում էր էնվերը դեկտեմբերին Ջեմալ փաշային ուղարկած նամակում, որտեղ նա հայտնում էր հետևյալը.

«Մեր բոլշևիկ բարեկամը դուրս է եկել բանտից... Այստեղ մեր բոլշևիկ բարեկամները համաձայն են մեզ օգնելու այն դադափարների շրջանակներում, որոնք մենք քննարկեցինք բանակցությունների ընթացքում: Այս պահին ահա իմ դիրքորոշումը հիմնական գծերով.

1. Ազատագրել մահմեդական ազգերին:

2. Նկատի ունենալով, որ իմպերիալիստական կապիտալիզմը մեր ընդհանուր թշնամին է, համագործակցել սոցիալիստների հետ:

3. Ընդունել սոցիալիզմի սկզբունքները պայմանով, որ դա հարմարեցվի մահմեդական այն վարդապետություններին, որոնք կառավարում են մահմեդական երկրների ներքին կյանքն ու գործունեությունը»¹:

Էնվերը մտադիր էր «Իթթիհատը» վերակառուցել նոր հիմքի վրա և իր ընկերներին համոզել իրենց նստատեղին տեղափոխել հորհրդային Ռուսաստան՝ ի տարբերություն Թալաթի, որը ցանկանում էր կենտրոնը դարձնել Բեռլինը՝ Անատոլիայի ուղղային շարժմանը քաղաքականապես ու տնտեսապես օգնելու համար: Բոլոր դեպքերում իթթիհատականները համաձայն էին նպաստելու քեմալականներին ու բոլշևիկներին միջև հարաբերությունների զարգացմանը և Մոսկվա-Անկարա առանցքի ստեղծմանը: Դու հաստատվում է Մուստաֆա Քեմալին ուղղված էնվերի նամակներով, ուր խոսվում է նաև բոլշևիկների կողմից էնվերին ցույց տրված դրամական և այլ կարգի նյութական օգնության մասին:

Էնվերի թուրք կենսագիրներից մեկը նույնիսկ մեջ է բերում մի փաստաթուղթ՝ 1921 թ. հունվար ամսվա համար Մոսկվայում էնվերի ստացած և արտասահման ուղարկած գումարների բաշխման մասին: Ահա փաստաթուղթն ամբողջությամբ.

«Բեռլինի կենտրոնին դոտացիա՝ 10.000 մարկ,

Ջեմալ Աղմի բեյին՝ 6.000 մարկ,

Թալաթ փաշային՝ 10.000 մարկ,

Աղմի բեյին՝ 6.000 մարկ,

Նախկին ռազմական միլիտար Ռուսուհի բեյին՝ 6.000 մարկ,

Բահա Բեյին (Բահաէդդին Շաքիրին)՝ 6.000 մարկ,

Իլիաս բեյին՝ 6.000 մարկ,

Ենքիլ Արսլան բեյին՝ 2.500 մարկ,

Ստամբուլ ուղարկելու համար՝ 14.000 մարկ,

Թեթթին՝ 15.000 մարկ,

Ջեմալ փաշային՝ 6.000 մարկ,

Բեդրի բեյին (Կ. Պոլսի ոստիկանության նախկին պետ)՝ 6.000 մարկ,

Ջիա բեյին՝ 6.000 մարկ,

Ընդամենը 115.500 մարկ»²:

Ինչպես տեսնում ենք, նպաստ-օգնության ցուցակում են թուրքական ռազմական առյուծի 1919 թ. հուլիսի 5-ի որոշմամբ հեռակա կարգով մահվան դատապարտված իթթիհատական հանցագործներ Թալաթը, Ջեմալը, Բահաէդդին Շաքիրը և Տրապիզոնի հայերի դահիճ Ջեմալ Աղմի բեյը: Ինչ վերաբերում է էնվերին տրված դրամական օգնությունը, ապա նա իր նամակներում գրում է, որ ինքը Մոսկվայում ստացած գումարներից իր համար առանձնացրել էր (Մոսկվայում եղած ժամանակ) 10 ոսկի³:

Նույն աղբյուրից տեղեկանում ենք, որ Մոսկվայում էնվերին տրամադրել էին մի շքեղ, կրեմլահայաց բնակարան, որտեղ էնվերից առաջ հյուրըն-

¹ Jacques Dérogy, *Opération Nemesis*, Paris, 1986, p. 280; Şevket Süreyya Aydemir, *Makedonya' dan Ortaasya' ya Enver Paşa. Üçüncü cilt*, İstanbul, 1972, s. 520.

² Ş. S. Aydemir, *Կշվ. աշխ.*, էջ 550—551.

³ Նույն տեղում, էջ 551.

կալվել էին Հալիլ բեյն ու Ջեմալ փաշան: Կրեմլի դիմաց, Մոսկվա գետի ափին գտնվող այդ տունն ըստ էության, «մի մեծ առանձնատուն էր կամ փոքրիկ պալատ»⁴—գրում է էնվերի կենսագիր Շևքեթ Սյուրեյյան, ավելացնելով, որ Ջիշերինի հետ հանդիպելուց առաջ այդտեղ կայացել էր մի հավաք՝ Ռադեկի, Վոզնեսենսկու, Ջեմալ փաշայի ու Հալիլ բեյի մասնակցությամբ⁵: «Մենք բոլորս, ինչպես Անատոլիայի հեղափոխական կառավարության, այնպես էլ մեր ընկերների անունից, եկել ենք առաջարկելու դաշինք Ռուսաստանի կառավարության հետ»⁶—ասել էր Ջեմալ փաշան:

Էնվերի, Ջեմալ փաշայի ու երիտթուրքական մյուս ղեկավարների հետ հաստատված կապերի ու համագործակցության հարցը, մեր կարծիքով, անուշիկ ուսումնասիրության նյութ կարող է դառնալ, ուստի կանգ առնենք էնվերի գործունեության վրա՝ Արևելքի ժողովուրդների համագումարի կազմակերպմամբ 1920 թ. օգոստոսի 14-ին էնվերը ժամանում է Մոսկվա: Այդ ժամանակ Կոմիտեների կողմից արդեն ընդունվել էր որոշում՝ սեպտեմբերին Բաքվում անցկացնելու Արևելքի ճնշված ժողովուրդների առաջին համագումարը, որին մասնակցելու էր էնվերը: Վերջինս օգոստոսի 26-ին Մուստաֆա Բեմալ փաշային դրած նամակում բացատրում էր բուլղերներին կողմից չրեքն ցույց տրվող օգնության ու առաջարկության շարժառիթները. «Ես եկել եմ այստեղ (Մոսկվա—Ռ. Մ.) ստեղծելու համար իսլամական մի կազմակերպություն, որն ընդունակ լինի օգնության գալու մեր երկրին: Խորհրդային ղեկավարները, որոնց ես հանդիպեցի, հավանություն են տալիս իմ նախագծին: Սկզբունքորեն ուսանելու համաձայն են պաշտպանելու անգլիացիների դեմ ուղղված հեղափոխական շարժումները, եթե նույնիսկ այդ շարժումները դիտվում են որպես ոչ-կոմունիստական»⁷:

Եվ այսպես, 1920 թ. օգոստոսի վերջին բոլոր տիտղոսներից դիվիզիոն (դեկորացիոն) տարի, փաշայի և ալլան, Թուրքիան համաշխարհային լուստեբ-բաղմի մեջ ներքաշելու, դանազան խարդախությունների, ինչպես նաև հայկական ջարդերի համար մահվան դատապարտված էնվերը ժամանում է Բաքու, հատուկ վագոնով՝ չեկիստների ուղեկցությամբ, որոնք պետք է նրան պաշտպանեն ժողովրդական վրիժառուների հնարավոր ահաբեկչությունից և միաժամանակ հսկին՝ նկատի ունենալով, որ մի քանի հեղափոխական գործիչներ, որոնց թվում էնվերը հաստատանի ներկայացուցիչ Ռույր՝ «կասկածի առջև էին տառել էնվերի մաքրությունն ու նրա նպատակների լույսլուծությունը»⁸:

Հարկ չկա անդրադառնալու Բաքվի համադումար հրավերված էնվերի հայտարարություններին, նրա հավանությունները՝ համագումարում ներկայացնելու Արևելքի 34 ճնշված ու կեղեքված ժողովուրդներին, այդ թվում և հայ ժողովրդին: Առավել կարևոր է այն հարցը, թե Կոմիտեների ղեկավարներ Ա. Ջիշեովը, Կ. Ռադեկը և մյուսները բարոյական ի՞նչ շահանիշներով և ի՞նչ նորմերով էին առաջնորդվում՝ հարաբերությունների մեջ մտնելով և կապեր հաստատելով մի ամբողջ ժողովրդի դահճի հետ, որն իր իսկ երկրի դատարանի կողմից դատապարտված էր մահվան:

Եվ պատահական չէ, որ բուլղերկյան ղեկավարների հետ քաղաքական բախտախնդիր էնվերի կապերը քննարկման առարկա են դարձել Ֆրանսիայի Տուր քաղաքում 1920 թ. դեկտեմբերին կայացած սոցիալիստական կուսակցության XVIII համագումարում: Իսկ եվրոպական սոցիալիստական շարժման առաջնորդներից մեկը՝ Ժան Լոնգեն, իր ուսումնասիրություններին կշտամբում էր

⁴ Նույն տեղում, էջ 563:

⁵ Նույն տեղում:

⁶ Նույն տեղում:

⁷ J. Dérovy, նշվ. աշխ., էջ 282:

⁸ Նույն տեղում: Մանրամասն տե՛ս Paul Dumont, La fascination du boïchévisme. Enver Pachia et le parti des Soviets populaires. (Cahiers du monde russe et soviétique, Paris, avril-juin 1975).

«սպորտունիստական դիրքորոշման համար, մինչդեռ նրանք ուրիշ դեպքերում հանդես են բերում կոպիտ անհանդուրժողականություն»⁹, Մասնավորապես, նա ուղղակի հայտարարեց, որ դա հենց այն էնվեր փաշան էր, որի ձեռքերի վրա կա մեկ միլիոն հայերի արյունը: «Որոշակի է,— շարունակեց նա,— որ էնվեր փաշան կանգնած էր այն քաղաքականության ղեկին, որն ավարտվեց մեկ միլիոն հայերի ոչնչամամբ»¹⁰, Խոսելով ռուսական հեղափոխությունը ժամ առաջ Արևմուտքում տարածելու բուլշևիկների փորձերի մասին, Ժ. Լոնդոնը նշեց հետևյալը. «Ես ասացի Ա. Զինովևին. «Ինչպիսի՞ն է, այնուամենայնիվ, հեղափոխական այն ջերմաշափը, որը ձեզ թույլ է տալիս Կրեմլից չափել ուրիշ երկրների ջերմաստիճանը և նրանցից ավելի լավ իմանալ, թե ե՞րբ պետք է նրանք հեղափոխություն անեն»¹¹,

«էնվեր փաշայի վերջը» հոգվածում Ալ. Մյասնիկյանն այն միտքն էր ընդգծում, որ «մահմեդական Արևելքի և ընչազուրկ Թուրքիայի ազատագրումը գալիս է ոչ թե էնվերներից»¹², այլ այն հեղափոխությունից, «որն այժմ իշխում է Ռուսաստանում և Ասիայի որոշ վայրերում, և որը վաղը կտարածվի աշխարհի մյուս ծայրամասերի վրա»¹³, Այնուհետև նա եզրակացնում էր. «էնվերն իր սուրբ բարձրացրեց աշխարհի մեծագույն հեղափոխության վրա և ինքն էլ սրից զոհվեց»¹⁴, Ինչպես տեսնում ենք, Եռյնիսկ այնպիսի լուսավոր մի դեմք, ինչպիսին Ալ. Մյասնիկյանն էր, հեղափոխությունից հինգ տարի հետո էլ փափայում էր ռուսական հեղափոխությունն ամբողջ աշխարհում սարածելու երազը:

Բարեբախտաբար, կային և այլ գործիչներ, ովքեր իրապաշտորեն դնահատելով ինչպես էնվերյան, այնպես էլ քեմալական շարժումը, զգուշացնում էին, որ չպետք է տարվել Թուրքիայի հեղափոխական գործողով, Հայտնի դիվանագետ Յա. Գանեցկին, որպես Խորհրդային Ռուսաստանի ներկայացուցիչ մասնակցելով Կարսի 1921 թ. կոնֆերանսին, հոկտեմբերի 5-ին Զիչերինին հեռագրում էր հետևյալը. «...Թուրքերի վարքագիծն այնպիսին է, որ ակամայից քեզ հարց են տալիս. ինչո՞ւ էինք մենք նրանց համար այդքան զոհաբերություններ կատարում»¹⁵:

Ի՞նչ հետևություններ կարելի է անել բերված փաստերից: Կարո՞ղ են դրանք արդիական որևէ նշանակություն ունենալ, թե՞ սոսկ անցյալը փորփրելու զուր փորձեր են, ինչպես թվում է որոշ քաղաքագետների: Կարծում եմ, կարելի է որոշ հետևություններ անել և որոշ դասեր քաղել:

Նախ, բուլշևիկյան ղեկավարները գործել են «նպատակը արդարացնում է միջոցները» դատապարտելի սկզբունքով, որը վնասներ է բերել նաև հայ ժողովրդին: Եվ ապա՝ խորհրենք այսօրվա մասին: Այսօր գոնե չպետք է թույլ տալ, որ նույն քաղաքականությունը շարունակվի այս կամ այն ձևով: Վսեմ նպատակի պետք է հասնել ազնիվ եղանակով, քաղաքակիրթ աշխարհում ճանաչում գտած բարոյական սկզբունքների հիման վրա: Այնուհետև. Հայկական հարցում Թուրքիայի, Արևմուտքի ու Ռուսաստանի վարած քաղաքականությունը վերհանելու հետ մեկտեղ չվախենալ խոսելուց ոչ-շատ հեռավոր և բուլտրովին մոտիկ անցյալում մեր քաղաքական բոլոր կուսակցությունների ու պետական գործիչների կողմից թույլ տված բացթողումների ու սխալների մասին, չառաջնորդվել սին պատրանքներով, հաշվի առնել, որ պատմական արդարության սկզբունքը դեռ երկար ժամանակ կարող է չդառնալ գործոն, այն էլ վճռական՝ աղգային-պետական հարցերը լուծելու համար:

⁹ Le congrès de Tours, Paris, 1980, p. 536.

¹⁰ Նույն տեղում, էջ 537:

¹¹ Նույն տեղում, էջ 532—533:

¹² А. Ф. Мясникян, Избранные произведения, Ереван, 1965, с. 416—417.

¹³ Նույն տեղում, էջ 417:

¹⁴ Նույն տեղում:

¹⁵ ՀՀ Կենտրոնական պետական պատմական արխիվ, ֆ. 40/113, ց. 3, դ. 75, թ. 48.

БОЛЬШЕВИКИ И ЭНВЕР-ПАША

Р. Г. СААКЯН

Р е з ю м е

В 1919—1920 гг. руководители Комитерна А. Зиновьев, К. Радек и другие пытались прибегнуть к помощи бывших правителей Османской Турции Энвера-паши, Джемал-паши и других младотурецких лидеров в распространении идей Октябрьской революции на мусульманском Востоке, а также в борьбе Советской России против Антанты.

В частности, Энвер-паша, заочно приговоренный турецким военным трибуналом к смертной казни за совершенные в годы первой мировой войны преступления, в 1920 году приезжал в Москву, где получил за свои «услуги» деньги, золото и драгоценности, большую часть которых он отправил в Берлин и Константинополь другим преступникам—Джемалю, Талаату, доктору Назыму, Бехаэддину Шакиру и т. д. В данном случае большевики действовали по принципу «цель оправдывает средства», попирая элементарные нормы морали, вступив в контакт с палачами.